



Universitätsbibliothek Paderborn

Isagoge Ad Amorem Divinvm

Pennequin, Pierre

Antverpiae, 1661

25. Quomodo amor perfectus hanc cum voluntate Dei conformationem
variis modis exerceat.

[urn:nbn:de:hbz:466:1-47132](#)

C A P U T XXV.

*Quomodo Amor perfectus
hanc cum voluntate Dei
conformationem varijs
modis exerceat.*

1.
In tribus
consistit
voluntas
confor-
matio.

Mhi ipse consentaneus non
sim, si illum omnes confor-
mationis istius numeros implevis-
se dixerim, qui Deo se dedens mil-
lies cum Regio vate per diem di-
xerit: *Paratum cor meum Deus, pa-
ratum cor meum;* & hac officiosa-
sui expoliatione contentus, ibi
pedem fixerit, nec ad particularia
ad perpendicularum voluntatis divi-
nae componenda ac dirigenda des-
cenderit, qua vita nostra telam
universam contexere mihi viden-
tur, hisque tribus verbis compre-
hendi: *Agere, Abstinere, Pati.*

2.
In agendo.
strum *Agere*, quam latè patet,
grande, parvum, arduum, aut fa-
cile, non summatim, sed sigillatim
& ad actiones singulas ad divinæ
voluntatis regulam libretur, atque
concinnetur. Inter difficillimas a-
ctiones S. Bonaventura numerat
inimicorum dilectionem; hanc
qua à Deo imperatam amor per-
fectus, quamvis repugnante na-
turæ, ab homine impetrare cona-
tur; nec ab hac resistentia pervin-

cenda antè desistit, quam victor
evadat, & si ita res postuleret, non
tantum aliquam fortunarum ja-
cturam subire, sed mortem etiam
subire pro inimico sit paratus.

Dificilis fortassis alicui videbi-
tur actionum etiam minutissima-
rum accurata cum Dei voluntate
conformatio, non quod illæ se-
junctim considerare aliquid diffi-
cultatis contingant: sed quod
cum tam frequentes sint, & nume-
rosæ, singulisque propemodum
momentis se ingerant, miram
quandam diligentiam, animique
continuam attentionem exigere
videantur. Multum exagitat ho-
minem tanta vigilâdi, tamque ex-
acta super minuta, fugitivaque ex-
cubandi necessitas: ineft homini
captivitatis ingens odium, &
libertatis congenita cupiditas; ut
verò intellectus ad omnia particu-
latim attendat, & voluntas in illis
semper velit, quod Deus vult, o-
porteret, ut utrique frænum inijicias,
& utramque illam animi faculta-
tem à suis diverticulis cohibeas, ne
fortè minus advertenti aliiquid
contra aut præter Dei voluntatem
actionibus se affricet, atque per-
misceat.

Quam præclara horum omnium
exempla reliquit nobis J E S U S
Christus! nullum ex eius ore ver-
bum prodibat, nisi ad voluntatis
paternæ regulam examinatum;
A meipso, inquit, non loquor: nulla
actio

actio nisi divinis præscriptionibus conformis. Matri mutationem aqua in vinum postulanti respondet: *Non dum venit hora mea; quam scilicet Deus illi præscripterat: sic & propinquis ad iter Jerosolymitanum capessendum provocantibus: Non dum, ait, venit tempus meum: atque hunc agendi modum viris sanctis etiam fuisse familiarem, ex historijs cognoscimus, qui aetiones suas ad voluntatis divinae nutum ita conformabant, quasi in eorum etiam minimis totius mundi cardo, omniumque hominum faslus verteretur: similes Pictoribus, qui suum studium non tantum in præcipuis imaginis partibus bene efformandis collocant, sed minimas etiam res, ut capillitum, herbulam, folium accuratè depingunt; ut nihil sit in quo spectantis oculus majorem diligentiam & perfectionem requirat. Palmas Indicas ferunt in se nihil habere, quod non sit admodum utile, & exquisitum; truncus, radix, cortex, fructus, folia sua secum commoda deferunt: ita in hominibus illis perfectis, omnis actio, omne verbum, motus omnis laudis materiam proprius intuentibus præbet: inter quos S. Patrem nostrum Ignatium repono, si repono, id mihi cum ratione facere videor, in quo tantam omnium actionum accurationem notarunt, qui eo familiariter usi sunt, ut illum nec*

oculum vertere, nec manum movere nisi ex præscripto rationis crederent. Atque hanc ipse exquisitam diligentiam in suis etiam exhibebat, ut in Patre Oliverio Manaræo (qui hoc ipsum literis tradidit) prudenter ostendit. Mittebatur ab illo Manaræus, ut Laureti primum Rectorem ageret, & cum valediceret, apud se reputans, Sanctum Patrem non amplius in terris a se videndum, volensque altius totius oris ipsius conformatiōnem ac lineamenta memoriae imprimere, in eius vultum aliquantulum defixit oculos. Quod bene advertit vir sanctus, & reprehensione dignum censuit; nolensque in praesenti id facere, cum iam Manaræus ē vestibulo Domus pedem efferret, Patrem Polancum ad eum misit, qui suo nomine haec illi diceret: *Animadvertisit Pater prehensio. noster te in discessu in eius vultum aliquantis per defixos oculos tenuisse, cumique id in subdito minus decens esse, & pugnare cum modestia & reverentia superiori debita censeat, tria tibi mandat.*

1. Ut diebus singulis examines, an

*Manaræus
reum res
prehensio.
demus.*

2. Ut in

poenam aspectus hodierni, quoti-

die dicas unum Ave Maria.

3. Ut

singulis septimanis ad ipsum re-

scribas, an duo priora fueris ex-

ecutus. quod quindecim mensi-

bus obseruat; tum enim, vir san-

R

ctus

5.
Simile à
pictorib.

6.
Exemplo
S. Ignatij.

etus illi rescripsit, sibi factum esse fatis.

7.
In absti-
nendo à
licitis.

Sed veniamus ad difficiliorē meo iudicio conformatiōis materia, quam verbum secundū importat, nempe *Abstinere*: quo si gnificatur, Amantem non tantum le continere ab ijs, quæ cum peccato minimo conjuncta sunt, sed præterea nihil sibi licere velle, nihil permittere, quod non divinæ Majestati probetur quād maximē: si id à se non impetrat, à perfecta amoris lege aberrasse se putat; in quo latissimus exercendę constantia, & rerum omnium despiciētia campus aperit. S. Carolum Borromaeum ab aspectu per fenestrā, ab hortorum amēnitatis, vel unico oculorum jactu conspiciēndis abstinuisse legimus. S. Eusebius apud Theodoretum annis quadraginta, neque cæli, neque viridantium camporum prospectu oculos pafcit. Abbas Pior Antonij discipulus intra remotos ab hominum confuetudine solitudinis secessus se abdens, puteum effodit; aquā qualicunque, quam ille subministraret futurus contentus, falsam invenit & saporis maligni: illā triginta annis, non aliā pro potu utitur. S. Sabbas à pomorum eſu toto vitæ decursu abstinet. Sexcenta sunt huiusmodi per virorum Sanctorum historias dispersa, quæ non tam sibi illos vivisse, quād per quamdam ab om-

Exempla
S. Caroli
Borromaei.

S. Eusebij.

Alterius.

S. Sabba.

nibus rebus delectabilibus abstinentiam, Dei oblationi studuisse demonstrant.

Ad cundem modum se gerunt in tertio, quod *Pati* nominavī. In patēn-
tibus, in quo id maximē deligunt, do,
quod patientiam exercet quād maximē, & in tolerando eam animi firmitatem afferunt, quam di-
vinæ majestati potissimum placere arbitrantur. In quo genere mihi
videtur excellere P. Petrus Faber, Exempla
primus è Sancti Ignatij sc̄ptori-
bus, & dignus tanto Parente filius;
cuius de patiendo impositum sibi
a seipso decretum dignum est
quod aureis literis posteritati
mandetur. Ita se habet: Primò pa-
tiar æquanimiter quidquid mihi
acciderit, exile, ardūmve fuerit,
ab amico æquè ac ab inimico mihi
illatum; facio vel verbo, atro-
citer & contumeliosè, vel cum
moderatione irrogatu: quomo-
documque fuerim tum animo dis-
positus, latus vel tristis, ab ora-
tione confirmatus, vel negotiorum
oppressus molestijs, feram ve-
rò non tantum modestè, sed hilari-
ter, & inferenti gratias habebo,
& pro illo numen deprecabor,
quo excelsius assurgere possit A-
morpatiens, & amans Deum pa-
tientia; non video qui hæc ad
amissim servaverit, meritò pro-
poni potest in exemplum & inci-
tamentum patientiæ.

Verū Amans ille perfectus in his

In his at-
tende ad-
verbia, seu
modum.

his omnibus, nō tam verba, quām
adverbia p̄r̄ oculis habet; non
tam quid agat attendat, quām an
bene, an accuratē, an reverenter, an
circumspēctē id faciat; studiosē
considerat atque ut in vestitu cor-
poris non tam vestis materiam,
quām formam, & concinnitatem
homines aestimant: ita non tam
quod vult Deus, sed quomodo
vult rem fieri, quicumque eius
gratiam affectat, circumspicit. Sa-
cerdos aliquis dum horariorum
pensum persoluit, facit quod Deus
vult, sed quia sedens, quia tecto
capite, quia vago interdum animo,
ad solum verborum corticem at-
tentō id facit, parum apud Deum
gratiae promeretur, parum defert
eius voluntati; qui actiones no-
stras ad divinā perfectionis ex-
emplar conformari desiderat, dum
dicit: *Vt sitis perfecti sicut Pater ve-
ster caelestis perfectus est.* Hinc S. Lud-
gerus, dum in itinere in hospitiū
cum suis comitibus alternis Ma-
tutinas preces recitat; graviter
unum ex illis finitis precibus re-
prehendit, quod dum recitarent,
ut fumi molestiam abigeret, se
componendis foci lignis aliquan-
tulum occupasset. Magnus ille Si-
meon Stylites, jam annos com-
plures in illa sua columna mundo
demirante, & plaudente cælo per-
stiterat, sed invidente dæmone, &
Dei voluntatem fallaciter emen-
tiente propemodum concidit: hic

specie Angelicā velut Dei nuntius
hominem aggressus, monet Deum
velle, currum, ut olim Elias, con-
scendat alio avehendus. Ille pa-
rendi studio pedem levat: quid
agis vir sanctissimē? adverbia non
satis observas, minus circumspēctē
te geris, nimis præcipitanter ad
currus confectionem te accin-
gis. Advertit ille, Deo malum ape-
riente, se temerē procedere, cru-
cisque signum hærens tantisper ef-
format; ad cuius conspectum præ-
stigiator aufugit: ipse vero hanc
ut temeritatem, & præcipitis ani-
mi consilium castigaret, pedem,
quem levarat, anno integro sus-
pensum tenuit, toto illo tempore
uno tantum pede subsistens.

¶ Maria ab Incarnatione sanctissi-
ma mulier dum adverbio, recte, Maria ab
minus attendit, & altissimo fini Incarna-
tionis obliquam proprii commodi in-
tentionem admisit, tanquam vi-
tiosē factum à Deo reprehendi-
tur; res accidit: opifici pauperi, &
ægro eleemosyna nomine aliquid
lkiebat, subiit mentem illi
hæc cogitatio: potius illi, quām
alteri gratiam illam faciendam,
quod ad domesticas necessitates
eius opera usui esse posset ubi Deo
cor eius collustrante hoc amoris
proprij commentum animadver-
tit, culpam agnovit & lachrymis
ac animi poenitidine maximā di-
luere conata est: amor scilicet per-
fectus hanc labeculam diu ferre

R 2 non

10.
In quo
peccavit
unus è S.
Ludgeri
Socijs le-
gendo
horas cum
evagatio-
ne.

Sumanatur
à Deo Si-
meon Stylites,

12.
Sisois.

non potuit. Sisois ille solitariorum celeberrimus cum inter orandum alio præsente per incogitantiam susperium emisisset, se ipsum incusavit vehementer, & Monachi nomine indignū profecitus est, quod alium perturbasset, & interiore in ardorem minus circumspicere suspirio prodidisset.

Ioseph.

Neque in his nimis anxiè processisse viros istos sanctissimos arbitremur, quandoquidem huiusmodi naves, & levissimas culpas feveris castigationibus à Deo punitas esse videamus. Josephus in carcere quasi Deo non satis confisus, dum Pincernæ apud Pharaonem preces & gratiam emendicat, duorum propterea annorum in ergastulo pro rogatione multatur. Moyses vir si ulla unquam apud Deum gratiissimus, dum Israëlitis aquam postulantibus, hæret anxius, & de Dei bonitate, ac in Deum rebellem totiesque refractarium clementiā dubitat, neque pro Deo satis constanter agere eiusque partes tueri videtur, à terræ promissæ ingressu prohibetur, & in eius conjectu morte oppedit. Sexcenta sunt hujusmodi divinæ animadversionis exempla, quibus omnibus sæculis ostendit Deus omne mortalium bonum in perfecta cum sua voluntate conformatio consistere.

Moyses le-
gislator.

C A P. XXVI.

*Perfæc̄tissimam conformatio-
nem voluntatis humanae
maxime elucere in conti-
nuis cum amore proprio
conflictibus.*

Eadem est animorum ratio, quæ Regnorum: quidam pa-
ce altissimâ fruuntur, nec est hostis
qui intra vel extra tumultuetur &
perturbet; non intra appetitus
concupiscibilis, quia ille in suis
desiderijs rationis arbitrio se ac-
commoda; non irascibilis, quia
nec ille fugit aut abhorret, quod
ratio suscipiendum ostendit; sed
in omnibus ad instar equi perdo-
miti fessoris manum ductumque
uterque pacificè sequitur: sensus
etiam victus & propemodum de-
bellatus aliquid attentare audet, ne
novis victorijs & triumphis ma-
teriam præbeat. Alij verò, et si ad
eundem amoris gradum proiecti,
alio modo se habent: continuo in pugna
acie versantur, indefessè excubant, perpetu-
intus seditio, foris conjuratio, omnia in tumultu, sensus interiores
frænum excutere nituntur; appe-
titus perturbatò se commovent,
imagines omnis generis à dæmo-
nè immissa phantasiam irrum-
punt; continuis impressionibus,
&